

广东通志

广东通志

廣東通志卷二百四十三

甲子重刊

宦績錄十三 明二

楊信民

孟鑑

揭稽

章瑾

熊桴

熊汝達

張翀

陳濂

俱巡撫

李叔正

盛敬

吾紳

廖文昌

程富

朱鑑

孫天應

周文

徐瑄

盛景

白侃

彭信

魏富

袁道

劉纓

王哲

洪異

程昌

熊蘭

蘇恩

邵幽

周煦

潘季馴

孫永思

蔡結

陳聯芳

戴璟

陳道基

蔡夢說

王命璿

俱巡按御史

吳揚

陳麐

張瑄

彭韶

陳選

周孟中

羅榮

梁材

謝迪

徐問

陸杰

胡松

柳英

萬士和

劉采

陳性學

汪起鳳

王佐

王世德

姜一洪

俱左布政使

徐奇

王公亮

劉永清

彭遠

周鐸

夏壩

謝瑀

林同

柴昇

吳廷舉

葛浩

邵銳

顧遂

屠僑

陸銓

滕伯輪

丁以忠

俱右布政使

王來

戴弁

伍希淵

張瓚

黃鎬

王佐

劉昌

謝爌

丁璐

范瑛

蔣曙

黃容

羅僑

張極

徐乾

沈確龍

項喬

王國楨

馮覲

呂之節

翁鴻業

俱左
參政

明

楊信民浙江新昌人正統初以王直薦爲廣東左
參議清操絕俗嘗行田野訪利弊爲更置性剛負
氣按察使郭智不法信民劾之下獄黃翰代智信
民復發其奸己又劾僉事韋廣廣遂訐信民因與
翰俱被逮軍民譁然詣闕下乞畱信民詔復信民

官而翰廣鞠實除名景帝監國于謙薦之命守備
白羊口會廣東賊黃蕭養圍廣州急嶺南人乞信
民乃以爲右僉都御史巡撫其地士民間而相慶
曰楊公來矣時廣州被圍久將士戰輒敗禁民出
入樵采絕而鄉民避賊來者拒不納多爲賊所害
民益愁苦歸賊信民至開城門發倉廩刻木契給
民得出入賊見木契曰此楊公所給也不敢傷避
賊者悉收保民若更生信民益厲甲兵多方招撫
降者日至乃使使持檄入賊營諭以恩信蕭養曰
得楊公一言死不恨尅日請見信民單車詣之隔
濠與語賊黨望見謹曰果楊公也爭羅拜有泣下

者賊以大魚獻信民受之不疑蕭養且降而都督
董興大軍至賊忽中變夜有大星隕城外七日而
信民暴疾卒時景泰元年三月乙卯也軍民聚哭
城中皆縞素賊聞之亦泣曰楊公死吾屬無歸路
矣未幾興平賊所過村聚多殺掠民仰天號曰楊
公在豈使吾曹至是訃聞賜葬祭錄其子玖爲國
子生廣東民赴京請建祠許之成化中賜諡恭惠
久之從選人盧從愿請命有司歲以其忌日祭焉

明史
本傳

孟鑑字克明博野人宣德癸丑進士任戶科給事
中正統十四年黃蕭養反事聞陞戶部右侍郎奉

敕巡撫摩勞徠散其黨與次年四月剿平廣民

戴之

黃志

揭稽字孟哲永昌人永樂甲辰進士正統末厯官
廣東左布政使景泰二年朝廷以廣寇初平民尙
凋瘵以稽久任且知民情勅陞戶部左侍郎巡撫
廣東稽至見民困弊卽行軍徭之法驗賦重輕丁
力多寡第爲三等而均役之民以爲便又分南海
海隅之民奏立順德縣治濱海復設增江巡檢司
以防盜賊民稱其能

同上

章瑾字用欽會稽人正統初進士嘉靖初拜禮部
右侍郎旣而以盜竊發廣州簡瑾巡撫廣東兼治

羣盜瑾謀于陳循曰聞參議楊信民素爲廣民信服若與瑾偕仕盜必聽撫循善其計時信民以誑誤謫守邊循力言於上遂起信民爲僉都御史以行廣東民有被脅從爲盜者聞信民至相率來歸凡數千人

勸徵錄

熊梓字元乘武昌人嘉靖庚戌進士厯官僉都御史巡撫廣東時海寇曾一本方張至則條上平寇四策乞餉金五萬皆得請拊循士民戒守令毋得苛擾行保甲團練法造戰船百有六十發數千金以賑貧民清久逋魚鹽課區畫周悉乃興師平嶺西新會藤洞諸盜尋擊一本于潮海走之一本復

廣東通志卷三十四
誘倭寇惠州把總周雲翔殺參將耿宗元以叛桴
縱火擊之雲翔敗走先是有言雲翔不可用者至
是桴悔不用其言以剿賊勞瘁卒于惠未幾一本
敗伏誅皆桴平日經畫之力也贈兵部侍郎賜祭

葬

粵大
記

熊汝達進賢人爲廣東布政擢僉都御史繼熊桴
爲巡撫剛方廉介果於革弊有把總害民亟杖殺
之士民稱快亡何裁巡撫改操江汝達威惠並施

自奉儉約不可以私干終右都御史

郝志

張翀字子儀柳州人嘉靖癸丑進士以與董傳策
疏劾嚴嵩得罪遣戍隆慶丁卯復起累遷右僉都

御史巡撫南贛汀韶督軍至則撫流民遏尙寇
平三巢又遣兵解惠州之圍疊承金綺之賜萬厯
初以刑部侍郎乞休卒狷介節才猷爲海內所仰

重云

獻徵錄

陳濂字德清鄞縣人乙丑進士授南京刑部主事
陞員外郎轉廣東按察僉事專督屯糧進副使巡
視海道尋陞廣東左布政使未幾擢都察院右副
都御史巡撫其地濂貌端莊美髭髯心地坦夷不
爲嶄絕之行在廣東最久恂恂信實政平事妥上

下安之

同上

李叔正初名宗頤靖安人洪武時擢監察御史奉

命巡嶺表瓊州府吏訐其守踞公座簽表文叔正
鞫之守得白抵吏罪太祖嘉之曰人言老御史懦

乃明斷如斯耶

明史本傳

盛敬字存禮當塗人初以進士授行人庚辰冬聞
兄涉江溺死陳情奔歸操舟直抵其所求屍得之
祭葬以禮奉嫂撫孤盡恩義尋擢陝西道監察御
史巡按廣東所至洗冤澤物不事苛細未嘗及服
食廉幹之譽大播嶺海臺諫中推其學行永樂已
酉改按遼東卒寮案朋舊以其清苦多趨弔賻祭
之黃志時有衢州人吾紳先爲廣東右參政後奉命
考察廣東有參政素貪墨結權要恃紳爲故僚友

紳竟黜之時服其公

錄獻徵

廖文昌字克盛沙縣人永樂丁酉舉人授行人轉

御史巡按兩廣擊奸翼善綽有風裁

福建通志

程富字好禮歙縣人永樂甲午中鄉試癸卯赴春

官卒業成均宣德三年黜御史不職者選國學生

才識優者任之授陝西道監察御史庚戌巡廣東

其地阻隔山海使者往往憚之富不避嵐障躬歷

蠻區視民利病惠鰥嫠威奸暴吏無乾沒之患民

有莫安之樂使院舊有荔枝百樹門夫養畜以備

使需富曰是設餌也斧其樹散其畜土豪爲民害

者悉去之不畏權力聲威赫然累官右副都御史

致仕卒年七十

獻徵錄

朱鑑字用明福建晉江人由舉人授教諭擢監察御史巡按廣東奉命讞獄多全活者招撫逋叛恩威並著用薦陞山西參政以右副都御史乞休致成化十四年卒年八十八

同

孫天應進士萬厯中

卹刑廣東後官肇慶府

郝志

謹按明史朱鑑於正統五年以御史按廣東黃志則云洪熙元年再按廣東有出巡錄廣人至今傳之一曰正統一曰洪熙中隔宣德一代矣今仍遵明史列於正統五

年

周文字顯謨富陽人永樂癸卯舉人選河南道監察御史巡按廣東赫著聲績時中官王振方用事文疏論之貴州苗賊猖熾總帥僨師命文督兵偕靖遠伯王驥往剿至則單車詣賊宣諭國威賊果歸款未幾以憂歸卒于家

浙江通志

徐瑄字子敬嘉定人正統戊午解元第進士授監察御史景泰七年出按廣東廉公有威人莫能窺其際巡歷所至惟以廩粟易蔬肉而已渡海駐瓊履人所憚擒治奸貪峒黎悅服後擢僉都御史巡撫延綏先是吳江盛景亦以監察御史按廣年踰弱冠而明習法律老吏見其文牘莫不縮頸時瀧